



UNIVERSITÄTS-  
BIBLIOTHEK  
PADERBORN

**Nicolai Cavssini Trecensis E Societate Iesv, De Eloqventia  
Sacra Et Hvmana**

**Caussin, Nicolas**

**Coloniae Agrippinae, 1626**

Brasilia. Massæus, in Indica historia. Descriptio CVIII.

---

[urn:nbn:de:hbz:466:1-68724](https://nbn-resolving.org/urn:nbn:de:hbz:466:1-68724)

## REGIONES.

## INDIA.

Ex Q. Curt. stylo historico.

## Descriptio. CVII.

*Vide Sicilia descript. a. pud Iustini in iis lib. ubi de mari Scylla Cba. r y b d i. & c. portenta.*

India tota fere spectat orientem, minus in latitudinem, quam in recta regione spatiosa. Quae austrum accipiunt, in alius terrae fastigium excedant, plana sunt caetera. Multis, & inclytis amnibus, Caucaeo monte ortis, placidum per campos iter praebent. Indus gelidior est, quam caeteri: aquas vehit a colore maris haud multum abhorrentes. Ganges omnium ab ortu fluvius eximius, a meridiana regione decurrit, & magnorum montium iuga recto alveo stringit: in eum obiectae rupes inclinant in orientem, utque rubro mari accipitur, & findens ripas, multas arbores cum magna soli parte exorbet: saxis quoque impeditur, quibus crebro reuerberatur. Vbi mollius solum reperit, stagnat, insularumque moerit. Accines cum auget: Ganges in mare decursurum intercipit, magnoque motu uterque colliditur: quippe Ganges asperum os influenti obicit, nec repercussa aqua cedunt. Dyardenes minus celeberrimus auditu est, quia per vltima Indiae currit. Caeterum, non Crocodilos modo, ut Nilus, sed etiam Delphines, ignotasque alijs gentibus bestias alii Etimanthus crebris flexibus subinde curvatus, ab accolis rigantibus carpitur. Ea causa est, cur tenues reliquias, iam sine nomine in mare emittat; multis praeter hos amnibus, tota regio diuiditur: sed ignobilibus, quia non adeo inersuunt. Caeterum, quae propiora sunt mari, austrum maxime deunt; incohibiti montium iugis, ad interiora non penetrant, ita splendens frugibus mites: sed adeo in illa plaga mundus, avaritas temporum vires mutat, ut cum alia feruore solis exaestu, Indiam nives obruant: iustusque ubi caetera rigent, illic intolerandus aestus existat. Mare certe, quo alluitur, ne colore quidem a caeteris abhorret; ab Eritraeo rege inditum est nomen, propter quod ignari rubere mare existimant. Terra lini ferax, inde plerisque sunt vestes, libri arbo-

rum teneri, haud fecus, quam cerae literarum notas capiunt. Aues ad imitandum humanae vocis sonum dociles sunt. Animalia inuisitata caeteris gentibus, huic inuecta. Eadem terra, & Rhinoceros alit, non generat. Elephatorum maior est vis, quam quos in Africa domitant, & viribus magnitudo respondet. Aurum flumina vehunt, quae leni, modicoque lapsu segnes aquas ducunt. Gemmas, margaritasque mare litoribus infundit: neque alia illis maior opulentiae causa est, utique posteaquam vitiorum commercium vulgare in exteras gentes. Quippe aestimantur purgamenta astuantis freti pretio, quod libido constituit: ingenia hominum, sicut ubique apud illos quoque locorum situs format.

## BRASILLIA.

Maffaus, in Indica historia.

## Descriptio. CVIII.

EST autem Brasilia noui orbis pars, quam paulo post Capitis accessum, Americus Vespucius Florentinus eiusdem Emmanuelis auspicijs, accuratius explorauit, atque a duobus ab aequatore gradibus, partibusque ad gradus quinque & quadraginta in austrum excurrens, trigoni oblongi speciem refert: cuius basis in aequatorem, ac Septentrionem obuerfa, ab oriente in occidentem recta protenditur. Angulus extremus ignotas ad meridiem regionem attingit: latus in orientem spectans, interposito mari hesperijs Aethiopijs adiacet, alterum latus a Provincia Peruana determinat iuga montium adeo celsa, ut ipsos auium volatus fatigare dicantur, vno dumtaxat, quod adhuc exploratum sit, eoque difficillimo transitu, regio ferme tota in primis amena est: Coeli admodum iucunda, salubrisque temperies: lenium quippe a mari ventorum commodissimi status matutinos vapores, ac nebulas tempestiue disijciunt, solesque purissimos, ac nitidissimos reddunt. Scars ea tota plaga fontibus, ac syluis, ac amnibus inclytis, e quibus (ut reliquos taceamus), quem argenteum vocant, leucarum quadraginta ostio, in mare fertur, adeo violentus, ut inde nautae dulces

dulces hauriant latices, priusquam ex alto tellurem conspiciant. Terra partim in planitiem expansa, partim in colles elementer assurgens, foelix praepinguis glebis, & riguo solo, semperque vernante: crederet semina multiplici reddi scenore, ac sacchari praesertim est ferax, quod coeleste est donum.

## T A P R O B A N A.

Ex Maffeo, lib. 3.

Descriptio CIX.

**H**AEC ovali maxime figura ducentarum circiter, & quadraginta leucarum ambitu, leucas in longitudinem septuaginta octo pater, in latitudinem quatuor, & quadraginta, atque Cori promontorio, ut supra diximus, auulsa frero vadoso Piscariae, quam appellant, ora protenditur: ea clementia caeli, soli ubertate, & copia fluminum, aquarumque pereantium, ut primorum parentum sedes olim perhibeatur fuisse: varia pecorum armata, nec non elephantos gignit egregie bellicosos, ac doctes: caeteris metallis caeter. ferrum incola effodiunt: plurimas fert gemmas, verum praecipua claritate sapphirus, chrysolitos, pseudopalos, ac pyropos, itemque aromata preiosa, cinnama, cardomomum, piper, ac palmas eximia bonitatis.

Ad haec, vel in primis iueundo spectaculo, syluosi montes, ad effigiem theatralem inflexi, vastam planitiem oblongo circuitu in cauea formam includunt: quorum vnus in arduam, & surrectam altitudinem penes septem leucarum exurgit.

## P L A G A F R I G I D A.

Ex Curtio.

Descriptio CX.

**P**Atropamifadae appellantur, agreste hominum genus, & inter barbaros maxime inconditum: eorum asperitas, hominum quoque in genti durauerat. Gelidissimum septentrionis axem ex magna parte spectant: Bactri-

anis ad occidentem coniuncti sunt. Meridiana regio ad mare Indicum vergit: Tuguria latere primo struunt, & quia sterilis est terra materiae, vdo etiam montis dorso vsque ad summum adificium fastigium eodem laterculo vruunt. Caeterum structura latior ab imo paulatim incremento operis in arctius cogitur: ad vltimum in carinae maximae modum coit. Ibi foramine relicto supernè lumen accipiunt: ad medium vites, & arbores, si quae in tanto terrae rigore durare potuerunt, obruunt: penitus hyeme defossae latent, cum niue discussa aperiri humus coepit, caelo, solique redduntur. Caeterum adeo altae niues premunt terram gelu, & perpetuo rigore constricta, vne auium quidem, feræ vllius vestigiū extet, obscura caeli verius ymbra, quam lux nocti similis premit terram, vix ut quae propè sunt conspici possint, in hac tamen omnis humani cultus solitudine destitutus excidit, quicquid malorum tolerari potest, pertulit, inopiani, frigus, lassitudinem, desperationem, multos exanimauit rigor insolitus niuis, & multorum adussit pedes, plurimorum oculos. praecipue perniciosus fuit fatigatis, quippe in ipso gelu deficientia corpora sternebant, quae cum moueri desissent, vis frigoris ita adstringebat, ut rursus ad surgendum conmitti non possent.

## P L A G A T O R R I D A.

Ex eodem Curtio.

Descriptio CXI.

**A**QVAM (ut ante dictum est) penuria, priusquam desiderio, desperatione bibendissimi accendit, per quadraginta stadia, ne modicus quidem humor existit: arenas vapor aestiui solis accendit, quae vbi flagrare ceperunt, hand secus, quam continenti incendio cuncta torrentur. Caligo deinde immodico terra feruore incitata lucem retigit: campumque non Asia, quam vasti, & profundi aequoris species est, nocturnum iter tolerabile videbatur, quia rore, & matutino frigore corpora leuabantur. Caeterum, cum ipse aestus oritur, siccatur, omnemque naturalem absorbet humorem siccitas, ora, visceraque penitus vruntur.

Cccc 3 HOR.